



# SUATEA



COMUNICADO DE PRENSA - EDUCACIÓN

---

## **La precariedad y la inestabilidad de les plantiyes instálense na educación asturiana**

Cola convocatoria de places vacantes y sustituciones que ta acabante de facer la Consejería d'Educación- alredol de 2500 places, de les que más de 800 son A MEDIA XORNADA, constátase qu'a lo menos una cuarta parte de la plantiya docente cambia tolos cursos.

Como indicamos, non toles places publicaes son vacantes. Delles son sustituciones qu'apaecen xunta les vacantes, anque'l profesoráu que les solicite desconocerá de qué triba de sustitución se trata al tar los centros educativos zarraos nel mes d'agostu.

La Consejería sigue apostando por destruyir empléu estable nes plantiyes docentes y conceder a los centros –depués d'abondes movilizaciones l'otru cursu- sólo delles peticiones feches. Recordemos cómo acabara l'otru cursu, cola movilización sobre too de munches Escuelas de Primaria que vieron cómo se-yos suprimíen nes plantiyes los puestos estables: agora dalgunas d'esos places convóquense pa profesoráu interín a tiempu completu, otres a media xornada y otres simplemente desaparecieron.

La non cobertura de les xubilaciones – calculamos que sobre 500 nel cursu 2013-14- xunta l'amortización de les places fixes- faen qu'una gran parte del profesoráu de los centros cambie tolos cursos, col consiguiente perxuiciu pal alumnáu y pa la continuidá del llabor educativu. Esta tendencia agrávase sobre too nes zones rurales pero nun ye esclusiva d'estes.

D'otru llau, la existencia de 818 medies xornaes ( 461 en secundaria y 357 en primaria) d'un total de 2526 vacantes y sustituciones sigue amosando que'l profesoráu interín asturianu ta abocaú a la precariedad: un 32 % del total de les places son a media xornada

Tamién hai un porcentaxe eleváu de profesoráu interín itinerante, concretamente 536 places son compartíes ente dellos centros educativos.

Esti ye un resume provisional de les places publicaes:

1066 DE SECUNDARIA, DE LES 461 SON MEDIES XORNAES  
1253 DE PRIMARIA DE LES QUE 357 SON MEDIES XORNAES  
207 DE FP  
ESTO SUPÓN UN 32 % DE MEDIES  
HAI UN TOTAL DE 536 PLACES ITINERANTES  
EL TOTAL: 2526 PLACES DE VACANTES Y SUSTITUCIONES

Dase'l casu de qu'esti cursu van dase dos procedimientos de petición de places: unu pa les especialidaes de primaria que conclúi la próxima selmana y otro que va afectar al profesoráu de Secundaria, FP y Réxime Especial que pedirán en setiembre y incorporaránse más tarde a los centros.

SUATEA desixe la cobertura de toles necesidaes demandaes polos centros, la tresformación de les medies xornaes en xornaes completes pa garantizar un enseñu de calidá y la reducción al mínimu de les itinerancies na escuela pública asturiana.

D'otru llau desiximos la tresformación de les places precaries y inestables en puestos de trabayu de plantiya y que s'acabe la destrucción d'empléu públicu por parte de la Consejería d'Educación.

SECRETARIÁU D'ASTURIES DE SUATEA  
22-08-2014

**SINDICATU UNITARIU Y AUTÓNOMU DE TRABAYADORES DE LA ENSEÑANZA D'ASTURIES**

C/ Telesforo Cuevas 2, 1ª dcha. -33005 Uviéu. Tfno. 985 274 343. Fax. 985 236 464.

E-mail: [suatea@suatea.org](mailto:suatea@suatea.org) Web: [www.suatea.org](http://www.suatea.org)